



***Isključivo za medije, nije službeni dokument**

Biografija

ENISA ADROVIĆ - TUŽILAC TUŽILAŠTVA BiH

Enisa Adrović rođena je 29. 02. 1964. godine u Sarajevu, Bosna i Hercegovina. Diplomirala je na Pravnom fakultetu u Sarajevu 1991. godine, a pravosudni ispit položila 2000. godine.

Profesionalnu karijeru počela je kao sudijski pripravnik i stručni saradnik u Kantonalnom sudu u Zenici 1997. godine.

Od 2000. do 2001. godine je radila kao sudija u Općinskom sudu za prekršaje u Kiseljaku kada je imenovana za sudiju Općinskog suda u Brezi, gdje je radila do 2004. godine.

Od 2004. godine obavlja dužnost tužioca u Kantonalnom tužilaštvu Zeničko-dobojskog kantona u Odjelu I koji se bavi procesuiranjem krivičnih djela protiv čovječnosti i vrijednosti zaštićenih međunarodnim pravom.

Za člana VSTV-a BiH su je izabrali tužioci kantonalnih tužilaštava Federacije Bosne i Hercegovine 07. 05. 2008. godine. U okviru mandata je obavljala dužnost potpredsjednika Visokog sudskog i tužilačkog vijeća BiH. Kao potpredsjednik VSTV-a BiH sudjelovala je na mnogim stručnim konferencijama i radila na svim važnijim projektima koji se tiču reforme pravosuđa, među kojima je predsjedavala Forumom za zajedničku politiku, Radnom grupom za implementaciju Inicijative model tužilaštava i uspostavu Matrice tužilačkih standarda za model tužilaštva u BiH, Upravnim odborom projekta „Podrška pravosuđu u Bosni i Hercegovini - Jačanje uloge tužilaca u sistemu krivičnog pravosuđa“ i mnogim drugim.

Za tužioca Tužilaštva BiH imenovana je odlukom Visokog sudskog i tužilačkog vijeća Bosne i Hercegovine od 19. 07. 2013. godine.

Član je Udruženja tužilaca Federacije Bosne i Hercegovine od 2004. godine, a od 2010. godine je član Udruženja tužilaca BiH. Član je Internacionalne asocijacije kriminalista u okviru koje je objavila rad u Zborniku radova IAK 2009. godine pod nazivom „Strategija menadžmenta zatvora u borbi protiv korupcije.“

Aktivno govori italijanski jezik.